

## **Ҳаж ҳақида (3)**

05:00 / 16.01.2017 3167

### **Тавоф өткіншілдегі тиловатдан зикр афзалдир**

Имом Абу Ҳанифа раҳимаұллоҳ наздларидан, тавоғ пайтида тиловат қилиш хилоғи авло, яғни номуносиб ишдир. Шунинг учун тавоғ пайтида Қуръони Карим тиловатидан зикр ва дуо афзалдир.

("ал-Баҳрү роиқ", "Раддул мұхтор", "Ғунятун носик")

### **Нағл тавоғ нағл намоздан афзалдир**

"Масжиди Ҳаромда нағл намоз афзалми ёки нағл тавоғми?" деган савол ҳожиларимизда туғилиши табиийдир. Буни шундай изоҳланадики, ҳаж мавсумида Макка аҳли учун нағл тавоғдан нағл намоз афзал.

Ташқаридан келувчи зиёрәтчилар учун нағл тавоғ нағл намоздан афзалдир. Ҳаж мавсумидан бошқа кунларда маккалик бўлганлар учун ҳам, маккалик бўлмаганлар учун ҳам нағл намоздан нағл тавоғ афзал ва яхшироқдир.

Аслини олганда, Масжиди Ҳаромда ҳар қандай киши учун ҳам нағл тавоғ нағл намоздан афзал, лекин Макка аҳли учун йилнинг ҳаж мавсумидан бошқа кунларида нағл тавоғ қилишга имкон топилади. Ташқаридан келувчи зиёрәтчилар эса бундай имконга деярли ҳаж мавсумида эга бўладилар, холос. Агар ҳаж мавсумида маккаликлар ҳам нағл тавоғ қилиб, тиқилинч пайдо қылсалар, ташқаридан келганларнинг bemalol тавоғ қилишларида машаққат туғилади. Шу сабабли ҳаж мавсумида Макка аҳли учун нағл намоз нағл тавоғдан афзал, деб айтилади.

("ал-Баҳрү роиқ").

### **Тавоғ вақтида Каъбатуллоҳга яқин бўлиш**

Тавоф вақтида имкон қадар Каъбатуллоҳга яқин бўлиб айланиш афзал ва яхшироқдир, албатта, бирор кишига озор етказмаслик шарти билан.

("ал-Бахур роиқ")

### **Ҳар бир тавофдан кейин икки ракъат тавоф намози**

Ҳар бир тавоф (етти айлана)дан кейин икки ракъат намоз ўқиш вожибдир. Уни тарк қилиш жуда катта гуноҳ. Бу ҳукм фарз тавофга ҳам, вожиб тавофга ҳам, нафл тавофга ҳам тегишлидир.

("ад-Дуррул муҳтор", "Ийзоҳут таҳовий").

### **Мақоми Иброҳим ёнида тавоф намози**

Тавоф намозини имкон қадар мақоми Иброҳимнинг ёнида ўқиш афзал ва яхшироқдир. Агар унинг ёнида жой бўлмаса, ҳатийм ичида (раҳмат тарнови остида) ўқилади. У ерда жой топилмаса, Масжиди Ҳаромнинг исталган ерида ўқилади. Киши бу намозни Масжиди Ҳаромда ҳам ўқий олмаса, Ҳарам ҳудудининг қаерида бўлса ҳам ўқиса бўлаверади.

("Ғунятун носик").

### **Тавоф намози учун макон ёки замон қайдланмаган**

Тавоф намозини ўқиш учун замон ва макон тайин қилинган эмас. Балки, уни хоҳ Ҳарам ҳудудида бўлсин, хоҳ Ҳарам ҳудудидан ташқарида бўлсин - дунёнинг қаерида бўлса ҳам адо этиш жоиздир. Лекин Масжиди Ҳаромнинг ичида адо қилиш афзал ҳамда суннатга мувофиқдир. Агар киши тавоф намозини бирор сабаб туфайли Масжиди Ҳаромда адо қила олмаса, уни Ҳарам ҳудудида адо этади. Бунда ҳам адо қила олмаса, дунёнинг

қаерида бўлса ҳам адо қилиши жоиз, лекин уни Ҳарам ҳудудидан ташқарида адо қилиш суннатга хилоф бўлгани учун макруҳдир. Чунки унда одатдан ташқари кечиктириш бор.

("Раддул муҳтор").

### **Тавоф намозини тарк қилиш билан қурбонлик лозим бўладими?**

Тавоф намози ҳам тавофнинг муҳим вожибларидан биридир. Шунинг учун, агар бирор киши тавоф намозини тарк қилса, унга вожибни тарк қилгани сабабли қурбонлик лозим бўладими ёки йўқми? Бу борада фуқаҳои киромлар ихтилоф қилганлар. (Шуни ёдда тутиш керакки, бу намоз тарк этилганлиги инсоннинг ўлими вақтида маълум бўлади. Чунки ҳаёти давомида уни адо этиш имкони бор эди)

Баъзи фуқаҳолар вожиб тарк этилгани учун бу суратда қурбонлик лозимдир, деб айтганлар. Шу сабабли уларнинг наздида, киши ўлими олдидан мазкур каффорат қурбонлигини Ҳарамда сўйдиришларини ворисларига васият қилиши лозим бўлади.

Айрим фуқаҳолар эса бундай суратда ҳеч қандай қурбонлик вожиб эмас, деганлар. Мутааххир (кейинги) уламолар иккинчи ("бундай суратда ҳеч қандай қурбонлик вожиб эмас" деган) қавлни қувватли деб ҳисоблаганлар, лекин биринчи қавл эҳтиётлироқдир.

("Раддул муҳтор").

### **Кетма-кет қилинган икки тавофнинг намозини қўшиб адо этиш**

Тавоф ва тавоф намози орасида хос боғлиқлик бўлгани учун ҳар бир тавофнинг намозини иккинчи тавофдан олдин ўқиш лозимдир. Шу сабабли имом Абу Ҳанифа ва имом Муҳаммад раҳимаҳумаллоҳ наздларида бир тавофдан фориғ бўлиб, унинг намозини адо этмай, иккинчи тавофни

Қилиш макруҳдир.

("Раддул муҳтор", "Ийзоҳут таҳовий").

## **Каъба ҳатиймидан намоз ўқиш**

Ҳатийм - Каъбатуллоҳнинг бир қисмидир. Агар бирор киши Каъба ичидан намоз ўқишни назр қилса, уни ҳатиймда ўқиш билан назрига вафо қилган (сўзининг устидан чиққан) бўлади.

("Авжазул масолик", "Ийзоҳут таҳовий").

## **Тавоф қилинадиган жойда намоз ўқиётгандан кишининг олдидан ўтиш**

Намоз ўқиётгандан кишининг олдидан ўтиш катта гуноҳ эканлиги ҳадис ва фиқҳ китобларида очиқ-оидин зикр қилинган. Лекин тавоф қилувчининг намоз ўқиётгандан киши олдидан ўтиши бундан мустасно. Яъни, тавоф қилаётгандан киши Масжиди Ҳаромда намоз ўқиётгандан олдидан сажда қиласидан ўрнини босмай (тахминан 1 метр наридан) ўтиши бекароҳат жоиздир.

("Раддул муҳтор", "Маносики Мулло Али Қорий").

## **Бомдод вақтида ва аср намозидан кейин тавоф намози**

Бомдод вақтида (тонг отгандан то қуёш чиққунча) ва аср намозидан кейин, яъни нафл намоз ўқиш макруҳ бўлган вақтларда тавоф қилиш барча уламолар наздига жоиздир. Лекин бу вақтларда тавоф намозини ўқиш имом Абу Ҳанифа раҳимаҳуллоҳ наздларида макруҳдир. У зотнинг сўзларига кўра бомдод вақтида тавоф қилган киши тавоф намозини қуёш чиққанидан кейин, аср намозидан кейин тавоф қилган киши эса қуёш ботганидан кейин ўқийди. Агар бу вақтларда кетма-кет бир неча тавоф қилинса, барча тавоф намозлари қуёш чиқиши ёки ботишигача

тўхтатилади. Ундан кейин тартиби билан ўқилаверади. Демак, бу вақтларда тавоф намозисиз кетма-кет тавоф қилиш у кишининг назларида бекароҳат жоиз экан.

Лекин ҳанафий мазҳабидаги буюк уламолардан бири имом Таховий раҳимаҳуллоҳнинг назларида бу вақтларда тавофдан кейин тавоф намози ҳам бекароҳат жоиз ва дурустдир. Мавлоно Абдулҳай Лакҳнавий имом Муҳаммад раҳимаҳуллоҳнинг “Муваттоъ”сига ёзган ҳошияси “Ат-таълиқул Мумажжад”да имом Таховийнинг қавлларини қувватлаганлар ва ўзлари ҳам шунга мувофиқ амал қилишларини айтганлар. Шунингдек, имом Молик, имом Шофеъий ва имом Аҳмад ибн Ҳанбал раҳимаҳумуллоҳ назларида ҳам бу вақтларда тавоф намозини ўқиш бекароҳат жоиздир.

Шу ўринда бундай савол туғилади: агар бирор киши аср намозидан кейин умра тавофини қилса, ундан кейин саъй ҳам қилиши керак. Ваҳоланки, йилнинг узун кунлари Масжиди Ҳаромда аср намози қуёш ботишидан 2,5-3 соат олдин ўқилади. Дейлик, умра қилувчи ўн беш дақиқада тавоф қилиб олди. Саъй қилишдан олдин тавоф намозини ўқимаса, умра тартиби бузилади. Шунингдек, аср намозидан кейин қайта-қайта тавоф қилмоқчи бўлган киши ҳар бир тавофдан сўнг тавоф намозини ўқиб олмаса, тартиби бузилади ва яна саноқда адашиши ҳам мумкин. Бундай ҳолатда у нима қиласи? Юқоридаги имомлардан қайси бирларининг қавлларига амал қиласин?

Бу саволга жавоб беришда, имом Таховийдек ҳанафий мазҳабининг суюнчиғи бўлган кишининг мазкур вақтларда тавоф намози жоиз эканлигини турли далиллар билан исботлаганлари ҳамда мавлоно Абдулҳай Лакҳнавий ҳам у кишига ҳамфикр эканликларини ҳисобга олишимиз керак. Яна бир гап. Витр намозининг вожиблиги борасида уламолар ўртасида ихтилоф бор. Фақат имом Абу Ҳанифа раҳимаҳуллоҳ назларида вожибdir. Қолган уч имом ва соҳибайнларнинг назларида вожиб эмас, балки суннатдир. Шундай бўлса-да, барча имомлар витр намозининг қазосини бомдод вақтида ўқиш жоиз, деб айтганлар. Тавоф намози эса барча имомларимиз наздида ҳеч бир ихтилофсиз вожибdir. Шу сабабли мазкур вақтларда тавоф намозини ўқиш ҳам бекароҳат жоиз

бўлиши керак.

## **Саудия Арабистонида соя икки баробар бўлишидан олдин аср намози**

Саудия Арабистонида аср намози ҳар бир нарсанинг сояси (аслий соядан ташқари) икки баробар бўлишидан олдин (бир баробар бўлиши биланоқ) ўқилади. Агар ҳанафийлар ўз мазҳабларига мувофиқ аср вақтини, яъни ҳар бир нарсанинг сояси икки баробар бўлишини кутсалар, у ердаги масжидларда аср намозини жамоат билан топа олмайдилар.

Дарҳақиқат, имом Абу Ҳанифа раҳимаҳуллоҳнинг машхур қавлларига қўра, соя икки баробар бўлишидан олдин аср намози ўқилмайди. Лекин у кишининг бу борада айтган иккинчи қавлларига мувофиқ, аср намозини соя икки баробар бўлишидан олдин ҳам ўқиш дурустдир. Шунингдек, мавлоно Рашид Аҳмад Гангүҳий раҳимаҳуллоҳ (ўз ўлкалари) Ҳиндистон мусулмонлари учун ҳам Ҳижоз аҳлига ўхшаб аср намозини соя икки баробар бўлишидан олдин ўқишлиарини рожих (қувватли) деб ҳисоблаганлар.

Аллома Алоуддин Ҳаскафий ҳам "Ад-дуррул мухтор"да имом Таховий ва бошқа уламолардан "аср намози соя бир баробар бўлганидан кейин ўқилса бўлаверади", деган қавлни рожих (қувватли), маъмулун биҳи (шунга амал қилинган) ва муфто биҳи (шунга фатфо берилган) деб нақл қилганлар. Яна бу қавл имом Абу Юсуф, имом Муҳаммад, имом Зуфар, имом Молик, имом Шофеъий ва Аҳмад ибн Ҳанбал раҳимаҳумуллоҳ мазҳабларига ҳам мувофиқдир.

Шунинг учун Саудия Арабистонида Абу Ҳанифа раҳимаҳуллоҳнинг иккинчи қавлларига ва Рашид Аҳмад Гангүҳий фатволарига ҳамда барча мужтаҳид имомларнинг маслагига мувофиқ, аср намозини у ердаги масжидларда жамоат билан ўқиш керак. Хусусан, ҳарамайни шарифайндаги жамоат фазилатидан киши ўзини ҳаргиз маҳрум қилмаслиги лозим. Яна ҳанафий

мазҳабига кўра, бомдод намозини тонг ёришгандан кейин ўқиш мустаҳаб. Лекин у ерларда бомдод намози тонг қоронғусида ўқилади. Бунга ҳам ҳеч иккиланмай иштирок этиш керак.

Фоида. Мазкур фатво ҳожиларимиз ҳарамайндаги жамоатлардан маҳрум қолмасликлари учун ёзилди. Аммо, ўз юртларимизда эҳтиётга амал қилишимиз учун пешин намозини ҳар нарсанинг сояси бир баробар бўлишидан олдин, аср намозини эса соя икки баробар бўлганидан сўнг ўқишмиз лозим. Бомдод намозини ҳам тонг ёришгандан кейин адо этишимиз афзал.

### **Рамазондаги витр намозида ҳанафий киши Ҳарамайн имомларига иқтидо қилиши**

Ҳанафийлар наздида витрнинг уччала ракъати бир салом билан ўқилиши лозим. Яъни, икки ракъатдан сўнг салом бериб, яна бир ракъат алоҳида ўқиш жоиз эмас. Лекин қолган уч имомнинг наздларида икки ракъатда салом бериб, сўнг бир ракъатни мустақил бир салом билан ўқиш суннатдир. Ривоятлар ва далиллар икки томонда ҳам мавжуд. Ҳанафий уламоларнинг рожих, яъни қувватли ва фатво берилган қавллари шуки, ҳанафий киши витр намозини икки салом билан ўқийдиган имомга иқтидо қилиб ўқиса, у (ҳанафий)нинг витр намози дуруст ҳисобланмайди. Лекин ҳанафий уламоларнинг тўртинчи табақасидаги энг машхур фақиҳ Ином Абу Бакр ал-Жассос ва аллома Ибн Ваҳбон айтадиларки, ҳанафий кишининг мазкур имом ортида ўқиган витр намози дуруст бўлаверади. Чунки бу масала мужтаҳадун фийҳ, яъни унда мужтаҳидлар ижтиҳод қилган ҳамда бир хилда қатъий тўхтамга келишмаган масаладир.

Масжиди Ҳаром ва масжиди Набавийда витр намози Рамазон ойида ҳамиша икки салом билан ўқилади. У ерда таровихдан сўнг витр намози бошланганда, ҳанафийларга катта қийинчилик пайдо бўлади. Масжиди Ҳаромда бирор илож қилиб (витрга иқтидо қилмай) тавоффа машғул бўлиш мумкин. Лекин, масжиди Набавийда ҳанафийларнинг жамоатга иштирок этиш ёки иқтидо қилмай ўтириш ёхуд ўзлари алоҳида намоз ўқишдан

бoshқа чоралари йўқ. Бунинг, яъни иқтидо қилмай ўтириш ёхуд ўзи алоҳида намоз ўқишнинг натижасида эса кишининг амалда бир катта жамоатга муҳолафат (хилоф) қилаётгани яққол кўзга ташланади. Шу изтиробли кайфиятга тушган, яъни витрга иқтидо қилмаган ҳанафийнинг ўзи унинг сабабли катта жамоатнинг ҳайъати ўзгариб, ифтироқ (ажраш) пайдо бўлаётганини сезади. Шунинг учун ҳанафийларнинг муқаддас Ҳижоздаги имомлар ортида эргашиб ўқиган витр намозларини дуруст бўлади, деб айтишимиз керак. Биз қуидага мазкур намозда иқтидо қилишнинг дурустлигига учта далил келтирамиз.

1-далил. Зарурат вақтида мужтаҳиднинг машхур бўлмаган қавлига амал қилишга рухсат бор. У ердаги, яъни ҳарамайндаги зарурат ҳаммага маълум. Шунинг учун имом Абу Бакр ал-Жассос ва Ибн Вахроннинграйларини ихтиёр қилиб ҳанафий киши учун муқаддас Ҳижоздаги имомларга иқтидо қилиб витр намозини ўқиш жоиз бўлади. Буни фуқаҳолар қуйидаги лафзлар билан нақл қилганлар.

تاعکر ثالثب الـ مهـدنـع رـتو الـ هـنا ئـيـفـنـجـلـا بـهـذـمـفـ

ملسو رتولاييف يعف اشبي فنح يدتقا ول معن ميلستو نيدهشت

مث هب هدم قفو ىلع لوالا عفشلا ىلع ماما لا ىعف اشلا كلذ

نابهونباویزارللاصاچلا رکبیبا دنعیفنحlarتوحصرتولامتا

(نسل فراعم)

Таржима:"Ҳанафийлар наздида уч ракъат витр бир салом ҳамда икки ташаҳхуд билан машруъ бўлгандир. Ҳа албаттa ҳанафий киши витр намозида Шофеъий имомга иқтидо қилса ва у имом ўзининг мазҳабига

кўра иккинчи ракъатда салом бериб, сўнг яна бир ракъат ўқиб намозни мукаммал қилса, Абу Бакр ал-Жассос ва ибн Вахбоннинг наздларида унга иқтидо қилган мазкур ҳанафийнинг витри дуруст бўлаверади"

("Маорифус сунан").

رتولا ىف نيتعكىرلا نم ملسىي نىب ىفنحلا ئادتقا زوجي ال

رتولا ۋېقىب ھۇممۇسىيەن ئازارلا ركىب وبا ھزوجو

يىف دەتچىم وەو دەنۇم مەل مامام نال

(قئارلا حېل)

Таржима: "Витрда икки ракъатдан сўнг салом берувчи имомнинг орқасида ҳанафий кишининг иқтидо қилиши жоиз эмас. Лекин, имом Абу Бакр ал-Жассос буни жоиз, деб айтганлар. Ҳанафий у имом билан бирга қолган ракъатни ҳам ўқийди. У киши (имом Абу Бакр ал-Жассос) наздида имом икки ракъатдан сўнг салом бериш билан намоздан чиққан ҳисобланмайди. Чунки бу масала мужтаҳадун фийх, яъни унда мужтаҳидлар ижтиҳод қилган ҳамда бир хилда қатъий тўхтамга келишмаган масаладир"

("ал-Баҳрур роиқ").

2-далил. Ҳокимнинг ҳукми ихтилофни кўтарувчи (бартараф қилувчи) бўлади. У ернинг ҳокими тарафидан икки салом билан витр ўқишига ҳукм, буйруқ бор. У ерда яшовчи ҳанафийларга ҳокимнинг ҳукмига бўйсуниш лозим бўлганидек турли мамлакатлардан у ерга борувчилар ҳам ўша ернинг қонун ва ҳукмларига бўйсунишга ваъда берадилар. Шу сабабли киши у ердаги қонунга хилоф бирор иш қилса у дарҳол ушланади ва жазоланади. Ҳоким икки салом билан витр ўқишига ҳукм қилгач, мазҳаблар орасидаги ихтилофлар тугайди ва ҳокимнинг ҳукмига амал қилиш лозим

бўлади. Шунинг учун у ерда турган вақтиларида ҳанафийлар учун ҳокимнинг ҳукмига мувофиқ ўша ернинг одамларига ўхшаб икки салом билан витрни ўқиш жоиз бўлаверади. Зоро, ҳокимнинг мазкур ҳукми шариатга буткул хилоф ҳам эмас. Чунки тўрт имомдан учталарининг қавлларига мувофиқдир.

Буни ҳазрат уламолар қуидаги лафзлар билан нақл қилганлар.

اهي ف ده تجملا رومالا ىف فال خلل عفار مکاحلا مکح نا

(مکت قلم مل جتن (مکت قلم مل جتن)

Таржима: "Ҳокимнинг ҳукми мужтаҳадун фийҳ масалаларда (қатъий бўлмаган масалаларда) ихтилофни тугатади, бартараф қиласди" ("Такмилаи фатхул мулҳим").

نم نېن قتب اضیا عفتري هناف قباسلا لمعتلاب عفتري عازنلا نا امکف  
ۋە موكحلا لباق

(مکت قلم مل جتن (مکت قلم مل جتن)

Тажима: "Таомулуннос, яъни одамлар орасидаги амал ва урфга қараб ихтилоф кўтарилигандек, ҳукумат тарафидан қонун чиқариш сабабли ҳам ихтилоф кўтарилади"

("Такмилаи фатхул мулҳим").

З-далил. Аллома Анваршоҳ Кашмирий алайҳирраҳма ҳазрат Шайхул Хинд Маҳмуд Ҳасан алайҳирраҳманинграйларини ҳам имом Абу Бакр ал-

Жассоснинграйларига мувофиқ эканлигини нақл қиладиларки.

ىذلا وھ و صاصجلا بھذھيل او ىدىتقىملالا لاحب ۋەرپۇرلا

نېفلتىخم مەنۋەك عەم رېكىن الپ رخالاب مەدح ئادىتقاوا فلسلا ثراوتل ھراتخا  
عورفلارىف

صاصجلا بھذم ئىلابھىي اضىيا نسحلا دومەن دنەلە خىش انخىش ناكو

(ىرابلا ضييف)

Таржима: "Муқтадийнинг ҳолатини эътиборга олинмайди. Мана шу Абу Бакр Жассоснинг ҳам маслаклариدير. Салафи солихлардан мерос бўлиб келаётганлиги ҳамда улар фуруъда, яъни фиқхий масалада ўзаро ихтилофлари бўлсада, ҳеч бир инкорсиз бир бирларига иқтидо қиласверганлари учун мен ҳам шуни ихтиёр қиласман. Шайхимиз ҳазрат Шайхул ҳинд Маҳмуд Ҳасан раҳматуллоҳи алайҳ ҳам Абу Бакр ал-Жассоснинграйларини (витрда ҳанафий киши шофеъий имомга иқтидо қиласа бўлаверади деган фикрларини) ихтиёр қиласар эдилар.

("Файзул Борий").

Фойда: 1418 ҳижрий санада Бомбейнинг "Ҳаж Ҳоус"ида катта семинар бўлиб ўтди. Унда ҳеч бир ихтилофсиз тамоми уламо ва муфтий киромлар ҳам ҳарамайндаги имомларга витр намозида иқтидо этишнинг жоизлигига иттифоқ қилдилар. Мадинаи мунаавварадаги буюк ҳанафий олим Ошиқи Илохий марҳум ва муфтий Рафиъ Усмонийлар ҳам менинг ёнимда бунинг жоизлигига иттифоқ қилганлар.

## **Ҳарамайни шарифдаги намозларда аёлларни эркакларга яқин туриши**

Масжиди Ҳаром ва Масжиди Набавийдаги жамоат намозларида аёллар ҳам иштирок этадилар. Масжиди Ҳаромда тўрт тарафдаги дарвозалардан кирибоқ аёлларнинг намоз ўринлари ажратиб қўйилган. Атрофидаги чиройли китоб жавонлар девор вазифасини ўтайди. Эркакларнинг у ерга кириши мумкин эмас. Масжиди Набавийнинг ҳам ўнг ва чап тарафида жуда катта қисми аёллар учун тайин қилинган. У ерга эркакларнинг ҳатто яқинлашиши ҳам жиноят. Шунинг учун Масжиди Набавийда масала осон. Лекин Масжиди Ҳаромда аёлларнинг алоҳида намоз ўқишлари учун шароитлар яратилган бўлса-да, улар намозда эркаклар орасига аралашиб, ажиб ва ғариб манзара пайдо қиласидар. Бир аёлнинг эркаклар сафига бетакаллуф кириб олиб, намозга иштирок этиши натижасида уч эркакнинг намози фосид бўлади: биринчиси - аёлнинг ўнг томонидаги; иккинчиси - аёлнинг чап томонидаги; учинчиси - аёлнинг орқасидаги эркак. Агар иккита аёл ёнма-ён туриб олса, тўрт, яъни ўнг ва чапдаги ҳамда орқадаги икки эркакларнинг намози фосид бўлади.

("Раддул муҳтор", "Фатово ҳиндийя", "Табийнул ҳақойик").

## **Ёнма-ён туриш туфайли эркакни намози бузилишида аёлнинг ҳукми бир**

Аёлларнинг эркаклар билан баробар туриши масаласида барча аёлларнинг ҳукми бир. Эркак кишининг намози, унга бегона аёл ёнма-ён туриши сабабидан бузилганидек, онаси, синглиси, келини, хотини ва бошқа маҳрамлари сабабидан ҳам бузилади. Хусусан, Масжиди Ҳаромда одамлар ўзининг онаси ёки хотини, қизи ва бошқаларни ўзининг ёнига тургизиб олиб жамоатда иштирок этаётганини қўрамиз. Бу суратда эркакнинг намози фосид бўлади. Шундай қилиб Масжиди Ҳаромда минглаб эркаклар ўзларини намозларини ўзлари фосид қиласидар. Шунинг учун ҳар бир эркак бу масалани ёдида тутиши зарурдир.

("Раддул муҳтор", "ал-Баҳрур роиқ").

Мұхим масала: Агар тавоф вақтида намоз учун такбир айтиса, аёллар намозларини имомга иқтидо қилмасдан үзлари үқишилари ёки намоз пайтига яқын тавоф қилиш вақтида аёллар иложи борича үзларини четга олишлари талаб этилади.

### **Намозда аёл кишининг орқа сафга ўтиши учун ишора қилиш**

Жамоат намози бошланғандан сўнг бирор аёл эркак киши билан ёнма-ён туриб қолса ва эркак аёлнинг орқага ўтиши учун ишора қилса-ю, лекин у орқага ўтмаса, бу суратда эркак кишининг эмас, балки аёл кишининг намози бузилади.

("Раддул муҳтор", "ал-Баҳрур роик").

### **Ҳарамайн имомлари аёлларнинг намозини ҳам ният қилади**

Бу масала ҳам аҳамиятга моликдирки, аёллар жамоатда иштирок этиб, имомга иқтидо қилган ҳолда намоз үқишилари дуруст бўлиши учун имом уларнинг иқтидо қилишларини ҳам ният қилган бўлиши керак. Савол пайдо бўладики, ҳарамайн шарифайн имомлари аёлларнинг иқтидосини ҳам ният қиладими ёки йўқми?

### **Намоз бузилмаслиги учун аёл билан эркак орасида қанча масофа бўлади?**

Жамоат намозида эркак киши билан аёл киши ўртасида бирор устун ёки масжиддаги сув идиш ёки катта сумка тўсиқ вазифасини бажарса ёхуд ораларида бир одам бемалол тура оладиган даражада бўш жой бўлса, бундай суратларда муҳозот(баробар, ёнма-ён туриш) вужудга келди, деб ҳисобланмайди. Шу боис икковининг намози ҳам дуруст бўлаверади.

Сафда аёл киши билан ёнма-ён турган эркак ўзидан кейинги бошқа эркак билан мазкур аёл орасида деворлик вазифасини ўтайди. Бундай бўлгач, фақат у(орадаги эркак)нинг намози бузилади, иккинчи эркакнинг намози эса бузилмайди.

("Фатово ҳиндиийя", "Раддул муҳтор").